

當初創造時有差違不精而然然今若盡改則功力必重姑取其籌箭竹及銅浮龜請改造且新舊報漏閣大漏籌箭竹及銅浮龜將破請並改造答曰如啓○三公令舍人鄭裕啓曰前年三月受教內各官守令步兵關立十名以上則罷職今淮陽府使宋之翰以十名關立將罷江原道軍數不多而如是關立下三道軍額多數之處十名關立之守令不可勝數況今農時守令迎送之弊不貲請之翰降資仍任答曰當初立法之時深慮後弊而設則事無窒礙而率爾立法弊生而旋改有似朝更而夕變事甚苟且然大臣啓之宋之翰則降資仍任今後步兵關立守令自十名至二十名者推考三十名以上罷職事永為定規

戊午日微暈

辛酉夜乾方坤方西方有氣如火

壬戌憲府啓曰嘉山郡守劉寬性本貪汚居官自恣奪入居人妻以為己妾奪鄰邑民田作為農庄請囑鄰官守令奪入居人